

39.

59.
17.

WITTEKINDUS MAGNUS,

Publicæ luci expositus

à

CONRADO SAMUELE SCHURTZFLEISCH.

VITTEBERGAE,

Typis CHRISTIANI SCHRÖDTERI, Acad. Typ.
ANNO M. DC. XCV.



17.



MAgnum semper Wittekindi nomen, ac non modò apud suos, sed etiam apud hostes gloriosum fuit. Fortitudo ingens, & admirabilis exemplo, jamdudum habuit pretium defensæ libertatis. Fortuna quondamq; diversa apparuit, & dispar instituto exitus.

2, Is gentis suæ Dux, animo, imaginibus inclutus, & virtute militari quasi telo nixus ad tuendam Rempublicam Saxonum accessit. De indole nomen, (a) de animi dotibus egregia consulta, de prudentia res gestæ testantur.

(a) *Plures Wittekindi ante Wittekindum nostrum memorantur. Noster cognomento Magni à cæteris discernitur. Illos exhibet P. Albinus in libro amplissima progeniei Wittekindeorum, cui titulum Stambuch præscripsit. Meminerim vero hic, cautè legendos esse novitios Scriptores. In aliis credulitas notanda, in aliis major diligentia optanda. De Wittekindo Suvalenburgio nil affero. Dasenburgius ille quod hic alienus est. De hoc vid. Helm. l. 2. cap. 7. Alius enim à nostro fuit. De quo prodidit quædam Arnold. Lubecens. l. 2. cap. 27. Nec hujus disquisitionis est Wedekindus Stumpenbusen, quem adfert Abb. Stad. A. 1167. Sed venio ad nomen. Hoc*

revera unum, scriptio diversa. In M. Chro. Belg. scribitur *VVintbicbindus*, Apud auctorem vite Kar. M. *VVidobindus*, in A. Franc: ad ann. 778. *VVidicbindus*: A. 785. *VVittikind*. Aliis *VVitticbindus*: aliis *Wedekint*: Nonnullis *Wittokint*: multis *VVidkind*. Adoni Viennensi in *Chronic*. *Vuitichingis* & *Vuitigingis*: Adamo Bremens. H. E. l. 1, cap. 9. *VViduchind*, Auctor descriptionis, quæ ad ora extat, *VViducrad* expressit. Apud Marian. Scot. chr. lib. 3. art. 6. ad. ann. 778. *Vindibindus*. Haud dubie errore quodam. Ego procul odio atq; adulatione tradam. Origo nominis, & ejus quidem nominis, quod olim ad ciendos Saxonum animos efficacissimum fuit, significanter juxta & præclare indicat sapientia filium. Teutonicum vetus esset *Witte Rind* / vel *Witthet Rind*. Huc pertinent veterum commentationes ad vocabulum *VVitta*. De quo multa reperias apud intelligentes Teutonica antiquitatis. Tantum hic moneo reperiri, qui commutatum *VVittekindi* nomen putent à *Præfule* illo, ut credunt, qui fonte sacro abluit, impositum. In his familiam ducit *Siffridus Petrus*. Sed ne unus Scriptor stat pro *Siffrido*. Destituunt hominem monumenta, monumentorum fides.

3. Patria Saxo, (b) ditione Angrivarius, (c) origine paternâ Wernekinides, (d) Princeps inter Saxoniarum Principes, (e) nominis indicio prudens, omine bellator, consiliis, exemplo maximus.

(b) Multa de hoc nomine lites. Ex solido decidit *Reineccius*, Post *Reineccium* alii. Multi etiam ante eum. Vetus sane Saxonum verbum *Saten* / vel *Sassen*. Hoc indigenarum, hoc Aboriginum nomine signandum. Argumento vox *Halsasorum*. Idem est *Holsfaren* / quod *Holzgeessene*. Sed vero extant, qui ducunt à *Cattis*. Mirum vero, cur à *Cattis*. Nam quantum *Catti* ab *Hæsis*, tantundem *Catti* à *Saxonibus* differunt

ferunt. Qui Danorum Nordmannorumq; fuisse posteros tradunt, fortasse ludunt. Explodendi, nisi ludant. Qui à castello Sabis, aut seaxes, dictos putant, lepidi magis sunt, quàm ferii. Inter hos Georg. Hornius & Johannes Trostler Transylvanus extant. Ante hos VVidekindus Corbejenfis, Annal. lib. 1. Abb. Stad. ad A. 917. Nibilo accuratiores, qui à saxo, aut saxea natura derivant, ut Chr. Isennacense, & quotquot hoc sequuntur. Nolime enim committere, ut decus nostra genti concilietur inepto nominum lusu. Gloriám ex se habet. Ab ascitis nominibus non quarit; non mutuatur. Quin inter inania habet hanc curam, quæ prodiga melioris cura est.

(C) *Vetus ditio: neq; angusta, & valida viris. Incola Anzarii. Angrivarii alii: quibusdam Angri. In chronici plerisq; Angiri. Recentioribus Engerani. Nomen planitiem campi designat. Hic vicus Engern, ubi sedes, tumulus, insignia quondam Wittekindi. Hodie nil præter rudera reliquum. Celebrem ab eo titulum habuisse ajunt Nostro. Formula hæc est. Comes Angria & Dynasta (Dominus) Iburgi. Formulam tradit, Cyr. Spangenberg in Chro. Sax. Nec non Elias Reusnerus in Genealog. Wittikind, p. 12. præterquam quod hic addit titulum Rugia Principis. At non reperio, quid Saxonibus cum Slavis, Angris item Westphaliqu; cum Rugis commune fuerit. Quamquam Andreas Angelus non dubitat in Chron. Holfat. p. 11. confirmare de Holfatis, eos Wittekindi majoribus posterisq; subditos fuisse. De Iburgi origine tradit quadam Siffridus Petrus. Sedes ibi ad nostra usq; tempora Præsulis Osnabrugensis. Arx Engerana hodie non colitur. Saltem vestigia supersunt. Atqui vero hic dispiendum, an forma dictionis sit ex usu veteris avi? An quadret ad antiquissimum Saxoniam statum? De quo videbo alibi, & ita videbo, ut nil Wittekindo, nil Wittekindeorum existimationi, juri, gloria detrahatur. Hic insitus Patria amor fuit hætenus,*

erit in posterum. De castro Wittekindsburg ad ripam Visurgis sita vid. Chron. vetera, & Spangenb. An. 785. Nec pœnigenda hic opera fuerit evolvere, quicquid non ita pridem insigni opera annotatum in Monumentis Paderbornensibus est. Cæterum de figura insignis Gentilitii, quod sumptum ab Angrivariis est, vid. P. Albinus Stammb. Utrum illud Wittekindi & nostrates, qui ex Wittekindo per Ditgremum descendunt, Westhino-Misnici unquam usurpaverint, ingentis materia disceptationis est: vid. Albinus c. 1. p. 204. & 463. Spenerus insign. famil. Saxon. p. 24. 25. Jo. Jac. Chiffetius, alii complures. Unum, quod publice interest rei, non omittendum. Amplissimus ille Angria Ducatus concessit in potestatem Archiepiscopi Colonienfis. Sed quo titulo? Novum hoc argumentum, eoq; alibi investigandum. Vellem accuratè investigasset autor personatus Mantissa p. 115. Ernestus Comes Mansfeldius gente perinde atq; eruditione insignis, in Panegyrico Henrico Aucupi dicto p. 21. ab Seculo 8. repetit, & Brunonem Ottonis 1. Fratrem primum fuisse tradit, qui Angria Westphaliæq; ducatum conjunxerit cum Colonienfis Prefulatu. Nolim accedere his partibus: quin putaverim, isthanc conjunctionem de Lotharingia, non Angria Ducatu intelligi oportere. Hæsitatq; ipse hujus sententiae autor, quum non multo post recitat aliam opinionem, cujus summa est, quod Fridericus 1. in jus atq; dignitatem illius pro dimidia ducatus parte inauguravisset Philippum Comitem de Heynsberg, Chronica Colonienfis vocant Philippum de Castro Hemesberus roriundum, Eo vid. Monach. Nuff. Chron. p. 192. & Abb. Stadens. A. 1180. Conf. Grantz. Metrop. l. IV. p. 97.

(d) Cyr. Spangenb. Chron. Sax. A. 786. P. Albinus Stammb. Spen. Syllog. gen. bist. in famil. Wittekind. Qui aliis Wernekin, multis Wernike, Chytrao Wernechin scriptus in Chron. Sax. cum latina, cum vernacula editionis. Addatur Joh. Tob. Weller. L. R. p. 157.

(e) Recto.

(e) *Rectores Saxonum primores olim dicebantur. Titulus huius nominis ex C. Urspbergenſe & Gobelino. Scriptoris bonis, depromptus, Urſpergenſem, ut ſolet, ſequitur Abb. Stad. A. 777. Sape Dynaſta. Nec raro Satrapa: aliquando etiam potentes Regionis dici ſolitos, pro certo habeo. Quod oſtendere eſſet Beda, Niemio, Frodoardo, Rolevincto, Chron. Oſnabrug. & Mindenſi, quibus multum tribuo in hac cauſa. Ditmarus Merſeburgenſis, qui regis elogio ornatus, corrigendus ex annalibus Franciſci & Wiſtekindo Corbeja Monacho eſt. Ceterum diuiſi Saxones erant. Pars adepti Oſtphalorum ſive Orientalium nomen; Pars Weſtphali ſive Occidentales appellati, alii Angrivarii memorantur. Saxones egreſſi trans mare huc non perſequebantur: Regnum enim condiderunt, non rempublicam, quatenus a regno diſtinctam. Hinc ortum antiquitus Saxonia transmarina nomen, idque hoc loco alienum, quia Angliam denotat. Redeamus ergo ad noſtros, qui non migrarunt in Britonum inſulam, ac patriis adeo finibus ſe continuerunt. Tres Principes Gentis audiunt apud Monachum Corbejenſem. Horum alii aliam Gentis partem moderati. Horum diuerſa ſedes, diuerſa quoque Reſpublica fuit. Suum quodque ius imperandi proſebant. Nulla ab alia pependit. Sua ſingulis ſuprema poteſtas, ſuprema ſtatuerendi facultas. Quamquam alia rogare aliam ſubinde & aſciſcere in ſœdus poterat, imperare tamen nunquam poterat. Imperii adminiſtratio non diſſimilis apparuit. Hac proceribus commiſſa. Eodem apud omnes inſtituto, eadem ferme iuris forma. Idem Procerum numerus apud Angrivarios, qui apud Oſtphalos & Weſtphalos, vid. poſt VViticbind. Beda, Cranzius, aliique. Vinckelmannus, neſcio an ſagaci conjectura, moris huius veſtigia ex Tacito deducit: Notit. Saxo-Weſtphal. p. 200. Apud ſingulos eorum tres Principes vixerunt. Nec pauciores admiſi, nec plures. Res certa de illis. De his conſpectus, donec ordinarius*

Rei-

Reipubl. regendæ momentis standum esset. Bello laceffiti præter hos extraordinarium belli Prætores designarunt. Hic forse electus, nec nisi tempore ingruentis publicæ calamitatis. A populo, dubium, an Proceribus æqualibus. Hoc Meibomio in Vindiciis Billinganis; Illud mihi videtur. Extra ordinem illud munus erat, & cessante belli causa quoque, cessaturum. Vulgo Tetrarchas (quod Ciceronis, Salustii & Velleji ex Græciæ mutuo sumptum vocabulum est) nominant. Hos quantum capio, vel seorsim numerant, vel summam. Illo modo I Pros, hoc XII Pros signant. Sed id non perinde certum atque dictum. Dictum verò à multis, Scriptum à Cyriaco Spangeb. Cbr. Sax. A. 772. G. Fabritio, auctore Mantissa ad Inst. Pacis, Georg. Christ. Stirnio, aliis. In hanc rem allegant Cbron. Anbaldinum, quod hætenus non vidi. Plura tamen vidi, edita partim, partim non edita, in quibus nil tale reperi. De cætero extraordinarii illius Ducis administratio paulo liberior, & ut in schola loquuntur, absolutior erat, quàm eorum, qui ordinarium gerebant magistratum. Præfinita tamen respectu temporis, ut auctor gravissimus est VVitecbindus, & post hunc Crantzius in Sax. I. 2. p. 45. & Henricus Bunting. in Cbr. Brunf. p. 27. Hos primores comparavit Albinus in aula Vee. Sax. cum Epboris Spartanorum. Cum illo facit Fabricius, qui ferè æquavit Tribunis Romanorum. Id vero non ausim in solidum probare. Causas dicere malo, quàm scribere. Qui eos cum Electoribus Imperii conferunt, dignisunt, cum quibus expostuletur. Sed hæc nemini non sunt obvia.

4. Publicè quoque egregius, nec minor privatus, eundem domi, quem militiæ animum habuit. In prælio cautus, in castris promptus, sub pellibus nunquam timidus, nunquam otiosus. Patiens idem juxtaque impiger, & quan-

to minus inter lautitias enutritus, tantò magis tolerans adversorum. Dignum Heroe Saxonico exemplum. Dignum, quod admirerentur posterì, dignum, quod Saxones imitentur. Quid vero opus suadere? Me non suadente imitati sunt, * me non suadente imitabuntur.

* *Dabo hic Fridericum strenuum, qui solus sustinuit nuntantes res Sigismundi Imperatoris. V. T. VII. H. Aug. p. 405. Et monumenta Oschazienſia: Albertum Animosum, Principem Camillo excelsiorem, cujus res praeclare condidit Michael Bojemus, Et versu scripsit Conradus Wimpina, ac prater hunc Michael Barob. Annaberg. l. 2, p. 40. Et 41. Fridericum III. cujus Et industriam, Et consilii solertiam approbarunt omnes, quum rationes repraesentaret concinnanda imperatoris sanctionis, quae velut dominatus frano tenerentur juveniles Caroli V. spiritus: ap. Sleidan. l. 1. Comm. ad A. 1519. p. 15. Et 17. coll. Mauritium, qui unus Karolum V. plus ultra tendentem stitit in cursu victoriarum, stitit in via dominationis. Eumque vindicavit adversus criminationes Johannes Fridericus Brande, Cornelius Crullius, aliiq.: Augustum, ingenii ac regendi artibus maximum, cui Ferdinandus I. idem quod Parenti debuit, quemque in fratris loco habere non piguit Maximilianum II. vid. Peccenslein in Wittik. prolap. in Aug: Johannem Georgium I. Caesari fidum, quoad fides Et fortitudo aestimabantur: Dignumque, cui ille à septentrione veros Gustavus Adolphus dextram fidei religionisque, ad ultima tuenda seſsem jungeret, imò quem jure iratum non multo post demeretur iterum Caesar, ac filius ab Augusta stirpe editis Praga repraesentaret ut Patrem, ipse verò coleret denuò ut amicum, Et appellaret suum.*

5. Cæterum Wittekindus Dux & autor Saxonicae libertatis, vinci aliquando potuit, domari

nunquam. Qvippe vehemens & proposito in-
super firmus, & tenacissimus aviti moris, fortu-
nam, fortunæ ictus omnes elusit. Nulla re ma-
gis irritatus, quam ob violata sacra suæ gentis. (f)

(f) *Eginhardus cap. 7. de vit. Carol. M. Vb. Emmius
Hist. rer. Fris. Cyriacus Spangenberg. A. 772. Chron. Thuring. &
Merseburgense, à Merseburgo VVestphalia oppido appellatum.
Inter exempla fanum Jymensula, quod diruto, concisus ma-
gis in hostem est. De eod. Regina Chr. lib. 2. ad A. 772. Ea-
num id Eresburgi (aliter Merseburgi) positum, Reginoni Her-
mensaut appellatum. Addatur Lamb. Schafnaburg. ad Ann.
eund. Abb. Stodens. 16. Ant. vid. Kar. M. p. 237.*

6. Pater ei Wernekinus, (g) Princeps mi-
nimè factiosus, & retinens pacis. Frater Bruno,
similimus Patri, idemq; creditus Augustissimorum
Stirps Ottonum. (h) Wernekinus ex fratre Adel-
hardo filius Albigo (i) Wittekindo rebus secundis
adversisq; socius, & heros ut vultu, ita fide semper
idem. Neq; tacuerim de Hermanno fratre Al-
bigonis. Uterq; ruentem propinqui fortunam
fulcire ausi. Nusquam ignavi, & nitentes pro
salute nostri. Quidvis etiam passuri potius, quam
intercidere dignitatem suæ gentis. His factum re-
bus est, ut manu, armis, consilio experirentur pro
necessario, pro suis, pro se ipsis. Omnium ma-
ximè eluxit industria Albigonis. Hic Wittekin-
dum defendit, Wittekindus illum: Uterq; utriq;
fidus. Velle idem: nolle idem: causa eadem,
nec opera dissimilis.

(g) De-

(g) De familia videas licet, ubi familiæ originem teximus. Est tamen aliquid hic observatu dignum. Quod copari licet, ut sciamus, ceteri summaeque capita sumi ab ævo Carolino. Ante hoc fuisse stirpem Wittekindi. Floruisse etiam. Sed defuisse, qui recenserent diligenter, qui seriem traderent accuratè. Ad eò dolendum, quædam præsumi, alia colligi, pauca sciri ante Karolingicam ætatem. Sed fatum illud antiquorum seculorum fuit, ut aut exteri scriberent de Saxonibus, aut hostes. Ibi invidia, hic inscitia laudes gentis obscurata. Illustranda demum, si Saxones Saxonum res gestas tradidissent. Sed alio loco recisandum de hoc argumento est. Hic delibasse aliquid sufficit. (h) Auctor sententia Agricola, Hunc Fabricius, Fabricium ex novitiis multi sequuntur. Preter illos in eandem adducti sunt opinionem Cyr. Spangenberg, Georg. Spalatinus, Dav. Chytræus, Mart. Crusius, Christoph. Entzelius, Leonb. Crantzheimius & complures. Ab his dissentiunt Monachus Pirnensis, Irenicus, Brotusius, Crantzius, auctor Chron. Peteris Brunsvicensis, Chron. Provinciale Misnie, Guttenberg, Beutberus, Elias Reusnerius, ille vasti Stemmatis Wittekindi Conditor, qui Ottones Augustos à Brunone, non fratre, sed nepote Wittekindi M. deducunt. Interim videatur Genealogia Alberto Stad. inserta ad p. 115. quæ ex probatissimis contexta auctoribus est. Caterum Wittekindi M. pronepos est Luitdolfus, qui vulgo Ludolfus, Pater Ducis Ottonis Wittekindi Abnepotis, Otto iterum Henrici Aucupis, Henricus Auceps Ottonis M. Imp. Testatur hoc Mon. Corbejensis: addatur Sigebertus præter eum multi. Luitdolfum autem per Walbertum Patrem & Wichbertum avum rectè à serie proficisci à Wittekindo, vel ex solo Abb. Stad. A. 917. constabit. Addatur Ernesti Comitæ Mansfeldii Oratio panegyrica p. 4. Alios allegare supervacaneum. Unum addere non piget, primum stirpis non Wittekindæ Ducem in Saxonia fuisse Hermannum Billungum. Ub. Emmio Hermannus Billichius

audis, bist. rer. Fris. l. VI. A. illo. Rectius Billungus, sive Bulling-
gus, Ducatu ab Ottone M. donatus. Ultimus Billingorum no-
mine Magnus, sine prole mascula defunctus. Abb. Stad. d.
1106. Conf. And. Severinus Vellejus Not. ad Adamum Brem.
H. E. l. IV. cap. II. Notat hic Spenerus, Ottonum M. de sua fa-
milia minus meritum bene, in Insignib. Saxon. sect. 1. §. 7. Ex-
cusat id verò Meibomius in historia Bardevici. De quo alio
loco judicandum. Non satisfacit hic P. Lambecius, quum
Saxonia primum Ducem vindicat Billingium. Cum jam
multò ante Saxonia habuerit Duces. Non attingo, quomodo
ibi impingat in novos scopulos, & turbet rivos publici Ju-
ris L. 2. Rer. Hamburg. p. 4. Sed mitto Billingos. Revertor
ad Wittikindeos. Atq; hic mirari subit novitios, qui tradunt,
Henricum Aucupem Regem, atq; Ottones Imperatores minus
verè à Wittekindo arcessi. In his numerandus auctor Not.
Rer. Imp. Rom. Germ. p. I. d. 20. p. 369. Unicum illi præsidium
in silentio Wittikindi. Sed minimè duraturum, cum in rebus
ad historiam pertinentibus non facillè, quod à silentio colligit,
admittatur. Hoc minus, quod pro nobis stant annales, Cbro-
nicilibri multi. Aliud scripsisset, si vel solum Fabricium Albi-
numq; legisset. Ut nihil de antiquis commemorem. Nec
mouet nos, quod recentiores pleriq; multum dissident à nobis.
Faciunt quippe contra alii nobiscum: inprimis ex recentio-
ribus Philippus Jacobus Spenerus in Syllog. Geneal. Hist. sub
tit. Familia Wittikind. Saxon. Cateroq; non est non nemo oc-
cupatissimus animadversor originum Germanicarum, qui du-
bitare hic maduit, quàm obstinatiùs negare. Quicquid
ex eo, quod Detmarus de serie hujus generis tacet, nil adver-
sum nobis inferat, facile est intellectu. Sape enim praterer-
unt historici quedam, non quod negent, sed quia, ut se res
dant, aliò flectunt styllum. Addo hic de Crantzio, non satis sibi
constare, cum memorat, Henricum Aucupem primo omnium
titulo Ducis Saxoniae præsuisse. Et tamen jam diu ante Hen-
ricum

vicum Saxonie præsuerunt Duces hoc titulo, hoc jure, his insignibus. Nempe describere alios, oblivisci sui, perperam allegare quaedam, Crantzio non rarum. Unum caperem Wittekindum Corbej. legisset. Aliiter, opinor, scripisset.

(i) Albigo, aliis Albigio, nonnullis Albio, multis Albion, Germanis Chorographis Alwig, vel Adelwig. Quibusdam Abbion vel Addion signatus. Cyr. Spangenh. An. 785. Ejus insigne extat apud P. Albinum Stamb. p. 450. Ulbo Emmius, cetera probatus scriptor, & ut observo, optima Chronica secutus, Wittekindi fratrem vocat. Minus verè, nec in hac parte excusandus, nisi figurâ quaedam locutus.

(k) De exitu hujus memorant varii. Casus in octava Karoli M. adversus Saxones expeditione. Bouckholt locus stragis. In vetustissimis annalibus Botolz lego. Legunt tamen alii Bobbos. vid. Aus. vit. Kar. M. p. 244. Spangenh. Baucholtz reddit. Nec in seire. Genius hic Tiotismi cultoris est. Videatur is ad A. 779.

7. Generis, quod in nostro se extulit, duo exiterunt munimenta, Wittekindus II. & Wichbertus: (p) Una horum mater, Suatana celebratur, progenies Czechi. Hæc altera Wittekindi Magni uxor: altera, cui Evæ nomen, jam ante accepta est à Cimbris. Summam vero Pater operam posuit, ut filii redderent Patrem. Præcipuum sollicitudinis argumentum erat, disciplina. Bello iter ad gloriam ostensum. Materia virtutis sive in pulvere, sive ad palum crescebat. Hinc fingendis animis robur: Hinc firmandis corporibus grande adjumentum venit. Patri curæ, filiis obsequii pretium insigne redditum fuit. Imitamini Principes.

Enitimini, exemplum exprimatís exemplo. Si omnia ruant, hoc solo vitabitis ruinam. Stabitis invicti, stabunt Principatus. Florebitis. Vos: florebut Vestrí, florebut posteri Vestrórum.

(1) *Ambo honesta progenies Patris. Fadat Niemi-
hanc laudem. Inruborem dare Niemium quilibet potest.
Genuit honestè filios Wistekindus. Genitos bello, patientia,
optimis in magna fortuna artibus effvescetit. Spurium nul-
lum habuit. Habuisse verò asserit Niemius. Sed negatur,
mentitur Niemius. Vel solius Witekindus Caribjensis suffi-
ciat homini coarguendo. Uxores habuit duas. Prior Eva,
Danica stirpis. Hinc Patrem vindicant Gormonem I. Si ta-
men vindicant rectè. Alii destinant alium. Plurimis gen-
itor Gottricus Gormonis, si probe tradunt, filius. Hic multis
Gotfridus appellatur. Nonnullis Seifridi, & si paulum in-
flectas, Sifridi nomine effertur. Autorem habemus Sparin-
gium, qui ut aliás Scriptores sue gentis, ita hic fortè Albi-
um secutus est. De nominis varietate excipi assensu senten-
tia potest. Cateroquin suspectum, quod de Gormone I. tradi-
tum. Chron. Dan. An. 757. ex Saxone Grammatico, & Huit-
feldio. Suspecta mihi Saxonis, & qui Saxonem hic colunt,
fides. Rectissime Emmius, Frisiorum doctissimus, pronuncia-
vit dudum, Saxonis Sialandici annales, præsertim de seculis
illis præcis, Poësin magis, quàm historiam sapere A.C. 809. Id
optarem quod expendisset Petrus Lindeberg in comment. rer.
memorab. ex bibliotb. Ranzov. cum de monumento Frotonia
differit. Quid de monumento Gormonis III. quod idem co-
dem libro exhibuit, sentiendum sit, promptum est judicare eru-
ditis. Parum ergo præfert certitudinis, quod promittit de
Regibus Danicis ante Gottricum. Ut vero sit mihi simile, E-
vam Gottrici Filiam fuisse. Evam scribimus in contextu o-
peris. Alii Geram scribunt, ut Cyr. Spangenberg. Ant. Al-
bizius,*

*Bizius, Hen. Buntingus, novitii complures. Sed scribant, nos
 a nemine antiquissimum utriusq. generis decus, amicitiam à
 multis seculis cultam, necessitudinem matrimonii ab ultimis,
 quantum recordamur, temporibus innixam. Nempe jam
 dñs Danis Saxones, Saxonibus Dani connubio juncti, Re-
 petitum novissime sancti fœderis exemplum in Sereniss. Jo-
 hanne Georgio III. est. Posterior conjux Svatana (aliis Sva-
 terna) Ducis, ut tunc erat, Bohemiti filia. Hujus & auspi-
 catum, & secundum matrimonium fuit. Quod ex Eva ge-
 nitum, pramatur ereptum exitu est. Ex Svatana major
 natus Witekindus, Patris sui cognominis filius. Vulgo Wite-
 kindus II, ut locus discrimini esset, appellatus. Alii Wig-
 bertus, aliis Wigbrechtus, aliis Wipprechtus. Idem ejus no-
 men. Forma literarum nominis saltem diversa. Ultrig, uterq.
 legitimus Pater. Origo eminens, vita ceteris exemplum,
 fortitudo supra fidem, matrimonium sanctum fuit. Hone-
 stus Pater, honesta mater, non nisi honestam procreare sobo-
 lem possunt. Qui negat, ut criminetur, improbus, qui ne-
 scit, & eructare tamen Niemianas ineptias audet, omnium
 ineptissimus debet censeri. Sed unum tacere hic nolim, Wig-
 brechtum Hasale germanum fratrem, quem ex Eva susceptum,
 non esse confundendum cum Wigbrechtu Witekindi II. ger-
 mano. Quod si ignores, facile nebulas offundet Chron.
 Brunsvic. Henr. Buntingi, p. 26. Propterea hoc distinctè expe-
 divit Albizius in genealog. Ottonum.*

8. Libera quondam gens, liberi mores gentis
 viguerunt Populus belli alumnus, propago po-
 puli Martia, Respublica popularis. (m) Proce-
 rum magis consilium valuit, quam imperium.
 Munus, quod gesserunt, legibus circumscriptum,
 potestas à populo, autoritas à bello fuit. Nut-
 rum jus heredibus innixum. Prætura belli collata
 ad

ad tempus. Res Imperii in concilio populi decisa. Regiminis firmamentum populi nutus, Procerum cum populo consensus. Hoc veteris Saxoniae ingenium erat. Caruit regibus antiquissimo illo ævo. Seqviori demùm tempore auditum nomen regum, usurpata regia potestas, (n) Acciti à Saxonibus reges. (o) Nec reges modò, sed etiam Imperatores.

(m) Pugnant cum historia, quæ ad hoc argumentum recensuit Siffridus Petrus, præter hunc Novitii quidam. Ille diplomata allegat manifesta falsitatis. Saxonia (vetustissime illi) Dominos imponit præter verum. Hereditarium in Saxones jus defendit contra annalium fidem. Wistekindum beneficiarum facit nullo veritatis argumento. Eundem funibus vinctum ad Carolum venisse, non memorat, sed fugit. Excussis jam olim sententiæ vanitatem Emptius in Apolog. refut. & verit. assert. Sed in proclivies refellere sententiam Siffridi. Nobis assentiuntur omnes probi Scriptores. Diplomati Siffridi diplomata opponimus, sed quæ sint sine novo. Nova illa & plena commentis vitiorum suo. Notæ invictæ sunt, & secura adversus ruinam.

(n) Quæ Tacitus in parte libertatis, liberorumq; comitiorum, de Germanis, ea nos de Saxonibus affirmamus. De illis jam dudum Conringius, post hunc Novitii, novissime Miltzius cap. 6, in diff. de libertate, ut inscripsit, omnimoda exposuit. Nobis reddere scripto, quæ scripta ab eis sunt, præter insituti leges visum. Ut Saxonum eadem, quæ cæterarum Germanorum, ita nec diversa Frisorum, indoles fuit. Utrobig; liberos gentis spiritus obervo. De Frisorum ingento monumenta suppetunt multa. Res imperii omnes voluntate popu-

populi gesta. Argumenta in comitiis, quæ dicebantur, ipsi ab
 bonicus plenissima lucis, plenissima. *Ubi*
 bo in Fris. descript. In Comitiis lata leges. Idem legibus, quæ
 Comitiis inditum nomen. De his ex libbone monuit Courin-
 gius c. 28. de Orig. jur. Germ. De Saxonibus addere non vacat.
 Tantummodo meminerim, cur Tacitus nil prodiderit de
 Saxonibus sub nomine Saxonum. Cum non multo post de iis
 recitaverit Ptolomæus. Sacarum enim illud Saxonum, no-
 men haud dubiè Saxonum est. Aucta enim Sec. IV. nominis
 fama, aucta gentis gloria in immensum est. Interea sufficiat
 Saxones Tacito sub titulo Cberuscorum atq; Angrivariorum,
 innotuisse. Videatur A. I. II, XI, XIII, & lib. de Mor. Germ.
 Nempe II, & III. Seculis respirarunt à bellis nostri Saxones, do-
 net Sec. IV. sub nomine Saxonum negotium facesserent Roma-
 nis: sed hac & id genus alia diffusè persequimur in Historia
 Germanica MSpta.

(O) Palam est, Henricum Aucupem Saxonem, & pro-
 gnatum Wittekindis Regem fuisse. De Rege hoc Albericus
 Abbas Stadensis pronunciat hunc in modum. Natus est O-
 tonis filius nomine Henricus, qui primus liberà potestate regna-
 vit in Saxonia. Ann. 917. Nec eo secius manifestum, Henrici
 posteros in fastigium Imperatorum subvectos. Ut rectè scripse-
 rit, quicquid tandem nuper Gallicè scripsit, Saxoniam Do-
 mum ab ultimo tempore augustis decoribus fundatam pro-
 vectamq; esse, Vid. suite de Europe Vivante, sub tit. SAXE.

9. Respublica, reipublicæ facies, regendi
 rationes ostensæ Habet posteritas, quod æsti-
 met, habet quod miretur. Rector ibi populus,
 defensor populi Wittekindus, Dux fato mon-
 stratus, & à cladibus ad majorem impetum sur-
 rectorus. Idem huic, quod populo, odium ser-

C

vitu-

virtutis: idem amor libertatis. Una mors, aut
 vivere, aut mori. (p) Heros, si non hostium
 semper, tamen fortunæ domitor suæ. Nunquam
 à se diversus. Idem victor, qui victus: excipe-
 re pericula & ferre paratus. Inter adversa con-
 stans, & firmus contra ambiguos eventus. Ani-
 mus in dubiis major, impetus vehementior post
 stragem notatus. Alii expectare pericula, ipse
 provocare maluit, nullo territus casu, nullo me-
 tu depressus. Audere, experiri pro suis, inferre
 hostibus gradum, irruere in obvios, per rumpe-
 re ordines militares, eximium fortitudinis appa-
 ruit monumentum. Demùm permittente fatis,
 exitum, constantiæ juxta & patientia argumentum
 fuit. Hujus complecti res gestas arduum multis,
 vix possibile aliis est visum. Mihi excusatio à cona-
 tu, votum pro viribus erit.

(p) *Verba Legatorum Saxoniorum apud Wittichin-*
dum. Aliam, inquit, causam nullam Saxonibus esse scias,
nisi vincere velle, aut certe vivere nolle. Huic majorum
virtuti, si quisquam, instis Wittekindus, Dux sua gentis.
Scriptores rer. Francic. & qui hos sequuntur, multo aliter,
quam volumus, actiones Wittekindi interpretantur. Nunc si de
vellicant, nunc rerum novarum studium, nunc denique, tyrannide
exprobrant, A. Fr. 778. 782. saepe toti genti imputant, quod
alii uni Wittekindo A. 775. Conf. Ad. Bremens. l. 1. cap. 9. Abb.
Stad. A. 775. & 782. Nempe subsidium ab armis, ultio ab amore
patria

patria profecta est. Diserte scribit Abb. Stad. Saxones non praelaudandi occasione, sed ulciscendi Francorum terras populosos esse: A. 778. Et reperias nihilominus Scriptores, qui imbecillitati indulgent, nimis acueute odium odio paganae religionis. Sic frustra sunt, qui rebellionem exponunt, cum quis nititur contra dominatum, cum pertinacissime insistit suo juri. Dandus religioni honor: nec tamen propter eam justitia illudendum.

10. Wittekindi initium felix, dignitas magna, nec peior progressus, exitus saltem, si divina spectes, felicissimus fuit. Carissima Duci libertas suorum: servitus subinde metuebatur. A tributis tedium, a vexationibus odium nascebatur. Exempla majorum animo inhærebant (q) præsentia oculis obversabantur. Spirabant bellicum Franci. Prætexebatur religio; (r) forte dominatio tegebatur. Factum his rebus est, ut qui olim colebant amici, (s) jam hostes in se grassarentur. Nempe fatale erat Saxonibus Carolingorum nomen. Nihilo mitius omen in Merovingis habuerunt. Auxilium offensâ, beneficium odio quandoque repensatum.

(q) Sufficiat nominasse Theodoricum Regem. Hunc defenderant adversus Thuringos: Sed mox exiit Francus fidem jamq; conspirat cum Thuringis. Mox deliberat de Saxonibus opprimendis. Oppressisset, nisi Saxones rescissent dolum. vid. Monach. Corbej. Ann. 1. Et ex eo Albin. Etamb. p. 38. Etiam liceat referre de Dagoberto. Quod in fide Theodoric, in hujus mansuetudine desideramus. Prodeunt de ejus in Saxo-

nes crudelitate Wern. Rokewinck in Fascie. temp. Sext. at. & Sigebertus Gemblacensis ad A. 630. Qui tamen paulo ante, quam vivis excederet, tributum Saxonibus remisit, ipforumq; auxilium accivis adversus Slavos, id. ad A. 642. incusat tamen ex Aimoſno Saxones Goldastus de reg. Bob. l. 2. cap. 2. p. 109. Nempe incusat non servata fidei: imò & ego incuso Francos non servata moderationis: Non desunt cause nostra subsidia firma: Sigebertus quoq; incusat Dogobertum expilatarum Ecclesiarum, & mira quadam, licet non sine superstitione, memorat de iis, qua acciderint post obitum huius regis, ad A. 645. De Carolo Martello, qui sub titulo Praefecti regiam complexus potestatem est, memorant A. Fr. A. 737. Hic vectigalem fecit gentem. Martellum sequitur Papinus, & novum tributum imponit. A. F. 758. Acerbum hoc genti, & planè intolerandum. Propterea indignari, mox ulcisci, & excurrere in Franciæ regni fines, & pradas agere cepit. Scriptor vita K. M. anonymus tacet hanc causam, dixisse contentus, Karolum in comitiis Wormatiensibus decrevisse Saxonibus bellum. Idem asserit Scriptor, qui condidit Francicos annales. A. 772. Ceteri annalium Scriptores eadem penè verba retinent. Retinet Monachus Prumiensis in Chr. A. 772. Abbas Stadenſis vocibus saltem paulùm mutatis reddit auctorem annalium Francicorum. De reliquiis non attinet monere. Tantummodò Eginhardus, sanctior Karoli M. scribe (non gener) hanc sibi vindicat laudem. Is belli initium signat, causam exponit de vit. Karol. M. cap. 7. Eginbarsum descripsit Adamus Bretoensis H. B. l. 1. cap. 6.

(r) Gratum DEO pignus, pietas: sancta nomina, religio, dignitas sacrorum. Valent in toga, valent in sago, momentumq; habent apud defensuros. Invadendi titulum non prebent. Prohibent litera diviniore hunc abusum. Propagandi Imperii artes à prudentia, jura, juris titulus à justitia depro

depromuntur. Est bellifas, pugnare adversus hostes. At quib-
nem hostes? qui injuriam inferunt. Hanc ulcisci gloriosum,
propulsare, honestum. Religionis certe obtentu capessere bel-
lum, exuere fortunę gentes, injustum. Jam babes, quod ju-
dices de bello Karolino. Præcipuam hujus causam à Religionis
arcescit Eginhardus. Bellum, inquit, susceptum est, quia Saxo-
nes, sicut omnes ferè Germaniam incolentes nationes,
& natura feroces & cultui Demonum dediti, nostra-
que religioni contrarii, neq; divina neq; humana jura vel pol-
luere, vel transgredi in honestum arbitrabantur. Hactenus
Eginhardus: totidem verba retinet Magister Adamus. Feroci-
am, miror, quod imputes. Idem sanè coloribus aliis depingunt
Francos Rôlevincius postulat crudelitatis. A multis amula-
tio obijcitur. Sed fuerint feroces. Fuerunt autem, cum depel-
lerem servitutem, cum afferrent libertatem. Nil prodest cau-
sa Francorum. Belli certè justitia non sufficit. Percurras,
qui velis, capita Fœdalis juris. Manifestum erit, quod diximus.
De cultui Demonum fateor grandem errorem, & recitatu fæ-
dum. Colligo hinc peccasse in D E I M, quatenus natura cogni-
tum, violasse partem juris insti, recessisse à præscripto religio-
nis naturali. Atqui vero hic pro Eginhardo argumentum,
novus bello Carolino titulus? Imo titulus. Satis speciosus pro-
justitia armorum. Si modo satis saluti & sufficitur ut tan-
ta mihi. Estlo verò genti gentis causa permissum, vindicare
publicum D E I contemptum, quatenus religioni naturali ad-
versum. Negabunt Saxones, se contempsisse. Ille qui pro
sacris suis tentare omnia, mortem oppetere ipsam non recusa-
rit. Stat pro Saxonibus Adamus Bremensis, ante hunc
Wietichindus Monachus. Qui per exprimit significanter
affectum eorum erga sacra, dum veneratione veneratos scri-
bit. Superstitiosus quidem devotio, sed non conjuncta cum
contemptu D E I, multò minus cum injuria Francorum. Si

tamen statuerunt in Francos exempla poenarum, reddere jura
juri aut ut ipsi arbitrabantur, rependere injuria vicē, ac suppli-
cia supplicis ulcisci voluerunt. Nam quæ apud Francos religionē,
apud Saxones labem habebant: quæ illis sacra, his profana
videbantur. Documento sunt Eresones, vetus Saxonum po-
pulus, qui Bonifacium A. 754. non ob aliam causam pereme-
runt, quàm quod predicasset contra sacrum avitum, contra
instituta majorum. An. Fr. ad. b. A. Ut non magnopere sit mi-
randum, cur Wistichindus dato ab antecessoribus exemplo gra-
satus sit in Francos cur persecutionem, ut dicitur Brumensi
l. i. c. 9. moverit in Christianos. Sed aliud contemptus docu-
mentum à rerum creatarum cultu. Imo non contemptus, sed
cognitionis, sed cultus DEI naturalis, licet plurimis errori-
bus intermixti. Argumento sunt tot numina, tot numinum
nomina, tot templa apud antiquissimam hanc gentem. Unum
dolendum, quod recta non iverint via ad cultum, quod veri
Numinis investigationem suspenderint, quod recta rationis in-
quisitioni obicem posuerint, quod fingere denique, multa malue-
rint, quàm indagare. Negligentiam sciscitandi incuso. Ac
multum distat negligentia à contemptu. Ingemiscendi hic neces-
sitas mihi, non Franci inferendi belli. Sicut verò id de religio-
ne naturali hactenus, ita de Christiana omnium constat evi-
dentissime. Toto errant cælo, qui ad ledendas gentes, ad
cienda bella, ad exuendos fortunis suis populos traditam pu-
tant. Rectissime in hanc rem jam olim pronunciavit Cajeta-
nus. Verba Grotius habes. Quod temerasse divina humanaq;
jura recensuit, ad pacta forsitan spectat. Sed quæ pactorum
speranda fides est, cum mutua amulatione rumpuntur? Cum
exempla adfunt ab altera parte ruptorum? Cum augentur
amulationes, cum injuria cumulantur. Multa in recessu habent,
quæ hic prodidit Wistichindus. Saxones, inquit, variam fidem
Francorum experti. Quod de finibus conturbatis cum ap-
plan-

plausore Bremensel. H. E. c. 9. recitat, habet pondus. Nisi ta-
men hac Saxonum facta presunto cuidam juri innitantur.
Lis de confinibus erat. Jus Franci allegabant Saxones non se-
cus. Hoc nomine fiebant caedes, rapinae. Non à Saxonibus solis,
sed, ut auctor Eginhardus, vicissim. Qui legem ferret? Uterq;
populus liber erat. Arbitroutring, delecto opus fuit, cum neu-
ter invito alteri limitem ponere posset. Qua enim paris po-
testas in parem? Sed forte hic latuit arcanum Francorum.
Romulus sane nulos regno suo fines ponere voluit. Ille nun-
quam deesset materia bellandi. Callide satis, si satis juste. Hoc
certe est effectare causam belli, non habere. Multis haud se-
cus suspiciantur de Francis. Demum hic notari velim, d.fferre
quaestiones de bello Saxonibus inferendo, & de illato. Ibi
Francorum jus, hic fides prabet materiam reprehensioni. Hinc
digitum intendunt Regino. 778. An. Fr. A. eod. & 782. 793.
Ubi rebellandi conspecto Saxonibus, tyrannis Wittekindo ex-
probratur Eodemq; pertinet, quid Abbas Stadensis imputat
crudelitatem in Christianos ut quibus vim, arma gladium
intenta esset, A. 788.

(s) Tempore Valentiniani Imperatoris copias, vires,
consilia junxerunt adversus Romanos. Richimeri avo Fran-
cia auxilia summisserunt. Illis adversus Thuringos, bi illis
adversus Gothos. Unus fidem faciat Wittekindus. Saxones,
ingrui, summa pace quieverunt, societate Francorum atq; a-
micitia usi. Sed ut omnia, ita amicitia quoq; mortales. Facef-
si saepe amor in odium, cum nulla ex amore utilitas, contra ex
odio quaestus speratur. Prima odii, post odium disidii causa a-
mulatio. Inuidebant Franci Saxonibus laudem bellicae virtu-
tis. Ita metuebant potentiam, rati non profuturum in rem
suam, tam potentibus amicis uti. Hinc Regi Theoderico à suis
in os dictum, à Saxonibus olim ruinam Imperio Francorum
imminere, ut qui indomiti essent, juxtaq; invicti. Hinc re-
dacti

*daſti in gratiam Thuringi, Saxones pro hoſtibus habiti. Hoc
 Thiadericiſiana fidei gratitudinisq. ſpecimen fuit. Witich, Ann.
 1. Laudat P. Amilius ſuos Francos. Ego meos Saxonas. Hi
 apud Marcellinum Romanis formidabiles, apud Diaconum ter-
 ribiles, Francorum ipſorummet ſententia præſtantes corpore
 & animo viri audiunt. Sententia ſummam habet Witichin-
 dus. Nil deſuit genti in parte fortitudinis. Sola deſuit pietas
 Chriſtiana. Atq. vi hac ſuadenda, non armis incutienda erat.
 Invitare, obteſtari, monere per Antiſtites, pulchrum & pium:
 Vim, minas, ferrum adhibere, illicitum erat & iniquum. Unum
 vel in tranſcurfu hoc venit in mentem mirari, cur Eginhardus
 præter id, quod Saxones turbatorum finium accuſat, non aliud
 cauſa Francorum præſidium q. varat. Q. varere autem forte
 potuiſſet in capite denegati tributi. Q. uod ſuperiori tempore
 impoſitum, nunc detractaſſe Saxonas, non ſuſpicaberis ex va-
 no. Adeo obtendebant cauſam libertatis, quam vel vita redi-
 mere jactura, pro glorioſo habitum. Primò pernicioſa genti
 obſtinatio. Mox ſalutaris, ad ultimum orbi Chriſtiano proſu-
 tura in exemplum. Quam enim difficiles recipiendis Chriſti
 ſacris, tam retinendis poſtea conſtantes fuerunt. Veneror
 cœleſte arcanum, dum principium contemplan & aſtimo even-
 tum.*

II. Res à ſuis repetenda principiis eſt. An-
 nus agebatur ſupra ſeptingentimum primus &
 ſeptuageſimus, initium amplificandi Francorum
 regni. Deceſſerat vita Karolomannus, Karoli,
 quem titulus magni illuſtravit, frater. Sic fa-
 ctum, quaſi fatiſ ducentibus, ut regni moles re-
 diret ad unum, Karolo ſuppeteret materia creſ-
 cendi. (1) Principiò res domi ordinatæ: tunc de
 exte-

exteris cogitatum. Regnandi auspiciū à pietate cœptum est. Inde propagandæ ardor Religionis inflammavit Regem. (u) Habitæ consultationes sequenti anno, & Wormatia Comitii delecta. Deliberandi argumentum Saxonici mores sumebantur. O. dines, Purpuratiq; omnes, & populus universus, belli, quod Saxonibus destinabatur, consilium probant. Causa persuadendi non una. Erant, qui referrent, Saxones sociorum jure abusos. Alii causabantur, Christiani interesse exempli, ut fana extractaq; ad fœdos cultus aræ diruantur. (x) Dirui autem non posse sine bello. Vertere in hoc Dei, Regisq; honorem. Consilio respondit decretum. Mox sumpta arma sunt & in Saxones conversa,

(r) *Abbas Stadenfis scribit. Karolus capiendum ex integro Regnum intendens animum, in villam Corbanacum venit. A. 771. Hactenus regnum inter fratres divisum erat: Carolus Noviomii, Carolomannus Svesione regium insignis capis. Aut. vit. Kar. M. A. 768. Nunc sublato fratre, solus rerum potitur.*

(u) *Poeta Vetus A. 775. Hinc statuit, requies illis ut nulla daretur: donec gentilibus cultusq; relicto, Christiani fierent, aut deleantur in aſſu. Nec potuit inficiari hoc Abb. Stad. A. 775. Sintriq; fides, immitte Caroli consilium fuit, & cerèd praludium Hispanici moris. Cujus in India documentum integra gentiū excidia præbent. vid. Bartholomæus de las Casas, Episcopus Hispanus, in descript. Ind. Latine, & non ita pridem Germanice edit. Neque hic ab uno alterove ad omnes, à Canibalis,*

D

de

de quibus est in Christoph. Columb. navig. cap. 87. & 88. Ed. Basil. ad universos Indos colligere licebat. Sed tam facile praeposterus ille ardor in sevitiam desinit, cum debuisset in comitatem. Nempe homo Carolus fuit. Asperum dictu, & nibilo mitius auditu, vel uno praelio immensam hominum multitudinem consumere. Consumpsit autem Karolus prope Thietmelie & fluvium Basam, alii Hasam scribunt. Vid. An. Fr. A. 783. Aut. Vid. Karoli M. Spangenberg. A. 783. Vestigia castrorum Karolinorum ad Hasam positurum hodieq, à Westphalis nostris monstrantur: conf. Krantz. l. 2. Sax. p. 32. Vix conventum de pace erat, cum bellum restauratur, cum ciades audiuntur, Saxonibus prius morituris, quàm laturis jugum. Prateribo feditatem scitiam proximam, quam describit Abb. Stad. 782. Nec attingam iudicium illud Vebmicum, gravissimis assertum viris, P. Emilio Wern. Rolevinctio, Abb. Spanheimensi, Anea Sylvio, Job. Aventino, Alberto Crantzio, Erdwino Erdmanno Felici Fabri, scriptori annal. Svec. Davidi Chytrao, Bernbar. do Fufterio, Ubboni Emmio, Henrico Meibomio, Job. Just. Winckelmanno, altis multis. Quod si fuit, cruentum fuit & vitii manifestum, & iniustitia aspersum labe. Nec nulla Wipponica causa, ut postularet crudelitatis in vita Conradi Salici p. 430. edit Pistoriana. Sed debitant de ejus veritate non pauci. Primus, quod sciam, inter recentiores dubitavit Hermannus Conringius. Post eum novitii alii.

(x) Nempe Carolo duo curarum capita, constituere Imperium & propagare fidem, fidei autem praescriptione indicare bellum. Sive quod putaret fœdus cultus Christiano Regi non tolerandos, sive quod sibi regnoq, inde promitteret majorem sanctitatem; sive quod augenda potentia existimaret momentum, Saxones hactenus formidabiles, aut subjicere Francis, aut si subjici non possint, conjungere cum suis, ut olim Romulus Sabi-

Sabino conjunxerat cum Romanis. Autor consilii creditus Alcuinus, qui pæne is apud Karolum, qui Aristoteles, apud Alexandrum fuit.

12. Jam obfirmaverit animum Karolus belli aleam tentaturus. Nec mora. Rectà Saxoniā petit: copiæ è vestigio sequuntur. Primus in Castrum Eresburgum (y) impetus factus. Fortuna pro Francis stetit. Saxonibus destructa Irmenfula, triste spectaculum fuit. Quid facerent Saxones? Pacis consilio belli calamitatem prævertunt. Annuit Francus, quasi cruentorum, certaminum jam prælagus. Locus sarcientiæ tranquillitati ad Visurgim condictus. (z) Veniunt Saxones, & datis obsidibus paciscuntur pacem. Sed fucus erat. Mox atrocius surrexit bellum, cui gerendo datus Princeps Wittekindus, Heros sicut præpotentis auctoritatis inter suos, ita animi supra fidem.

(y) Wittekindi ductus diu Carolo obex, Francis omnibus in oculis fudes. Ille suis ingeminare injurias, astimare acceptas clades, & exaggerare causam ultionis, verbo demum præire & exemplo. Hinc propensam in eum populi voluntas, sequi, laudare institutum & duændi exercitus eligere Imperatorem capit. Spangenberg. Chron. Sax. A. 772. 777. 778. Propterea Scriptores Franci una omnes voce affirmant, Saxones sua suū Wittekindi ad arma reverbos. Hinc novus ille Saxoniae suæ Arminius, turbator audit & tyrannus, cum revera liberator esset. Autor Ann. Fr. non erubescit nostro dicam
D 2 scri.

scribere : scribit autem ad hunc modum. Saxones, Widichindo Tyranno annitente, Francorum terminos usq; ad Rhenum ferro & igne devastant. Nempe olim Rhenus Christiana religionis in Germania limes erat. Jam penetrat ad Visurgim usq; & Albim.

(x.) Eresburg tractu temporis Meresburg (bodie Statberg) sive pudoris, seu religionis causa appellatum. De eo multa annotat Meibomius, & ex eo Winkelmannus, & precipue autor monumentorum Padebornensium p. 60. & 61. Castrum in edita rupe excitatum, & situ atq; arte, ut illa tempora ferebant, in Saxenia Cis Weserana ad fluvium Dimelam, firmum, olim à Francis, nuper à Suedis bello tricennali occupatum. Vestigia, quibus ad Irmenfule sacrum aditus patuit, frequenti litantium ingressu prorsus atrita inveniunt, qui eò veniunt, qui videbunt.

(2.) Ann. Franc. A. 772. Qui Tacito & veteribus Visurgis, Teutonicis scriptoribus Wisara, ut Abb. Stad. A. eod. pleriq; Wisora, Aus. Vit. Kar. M. aliis Wisuracha, Ann. Er. A. 882. Multis Wesera pariter ac Wisara scribitur, ut Regimoni aliisq;. Hinc notum apud terra mensores nomen cis- & trans-Weseranae civitatum, de quibus in historia Germanicarum rerum per differuimus exquisitè. Eò pertinent cis- & trans-Albina: in his excellit Hamburgum, celeberrima metropolis, Ad. Bremens. l. 2. H. E. cap. 8.

13. Prout natura, sic studium erat Ducis. Ingenium militare, corpus (aa) validum & labori asuetum. Ausus subinde egregii, usus rerum bellicarum excellens. In acie instruenda prudens, in hoste aggrediendo cautus, in sustinen-

nendo constans apparuit. Si quid fecisset, cura, si expeditionem suscepisset, fortitudo perspecta est. Nonnunquam altu, interdum vi, semper manu valida utebatur. Ignavia in castris probrosa, in acie capitalis. Nec principes ipsi extra hanc sortem. Bertholdi (bb) seu culpa seu vitium morte vindicatum. Nil desideratum in Wittekindo. Dignitas, prudentia hæc magnanimitate stabilita. Imagines exemplo, exemplum in virtute ostensum. Religio pertinaciter defensa, quamdiu de meliori non constabat. Quod Karolus de Wittekindi, id Wittekindo de Karoli sacris videbatur. Uterque hic quærens asylum: sed dispar quærentium causa, nec idem eventus. Tandem victrix Caroli Fortuna animus flexus. (cc) Occasio ex calamitate sumpta, calamitas ad æterna gradus fuit. Nempe sic bona sæpe in detrimentum, detrimenta contra vertunt in bonum.

(aa) Corporis habitum ex imagine in fano Engerano posita colligunt. Cippus ibi visitur Herois. Versus recitat, De Chytraus Chron. Sax. in Westph. Imaginem pingit Petrus Albinus in Chron. Misn. p. mib. 439. Et Balhasar Mœntzius in Syntagmate, ut vocat, Epitaph. ante præfat. explicat Winckelm. descript. Sax. Westph. p. 195. Ex imagine in cippo incisa multi jamdudum Herois animam, prædilectam singularem æstimarunt.

(bb) Spangenberg. A. 772. Bertholdus hic unus primorum gentis memoratur.

D 3

(cc) Hoc

(CC) Hoc rerum statu Saxonia coaluit cum Francis, Exitus tanti belli hic fuit. Vicerat Carolus Saxones, non ut servirent, sed ut iisdem legibus, pari cum Francis jure atq; dignitate viverent. Ab hoc tempore summa utriusq; gentis invicem officia vignerunt. Ac vero in unam coivisse Rempublicam, testis est Eginhardus. Bellum, inquit, constat esse finitum, ut Francis adunati, unus cum eis populus efficerentur, de vit. Kar. M. cap. 7. Eginhardum, ut alibi solet, iterum hic exscribis Adamus Bremens. H. B. l. i. c. 7. Contra quam id proditum de Slavis est, qui subiecti Francis, non adunati dicuntur. Neg. id solum de Slavis, populo non Germano, sed etiam de ipsis Germanis eventus comprobavit. Nominatim id constat de Veteribus Toringis, Bojis, & similibus, qui non cives, uti Saxones, sed meri subditi Francorum facti sunt, ut demonstravimus in historia Karoli M. Hinc si quid à Regibus gestum publicè est, coram populo Francorum atq; Saxonum dicitur gestum. Difertè Witichindus: qui olim socii erant & amici Francorum (erant autem Saxones) jam fratres, & quasi una gens ex Christiana fide facta est. Ann. I. Propterea idem in rebus Imperii jus suffragii, idem in Comitibus sedendi honos. Alibi Witichindus. Omnis, inquit, populus Francorum atq; Saxonum jam olim designatum Regem à Patre filium ejus Oddonem elegit sibi in Principem. Similiter Abb. Stad. A. 936. Otto Magnus eligitur ab omni populo Saxonum & Francorum. Is Saxones praponit, fortè non obscuro jam emulationis utriusq; gentis argumento. Vid. Witichindus An I p. 16. Scilicet indomitus inter clades populus, & nullius obsequii servilis patiens: non superiori hostium virtute, sed sua tandem lassitudine, & surgente in ultionem Numine victus est. Ed spectant exempla pavoris Saxonibus divinitus incussi, apud Adonem edis. Basil. p. 210. Meliori loco fuerunt Franci, quibus aliquando aër tellusq; militarunt, apud Bunsing. in Chron. Brunf. p.

27. *Hausitq; ex scriptoribus antiquissimis rerum Francicar. quāquam id vix simile vero videatur ob omnes Castris Carolingicis vicinōs. vid. Not. in monument. Padebornens. p. 68. De cætero verum est, quod literis mandavit Balcb. Mentzius Epitaph Witeb. l. 1. Wittekindum cecidisse Carolo, sola Caroli mansuetudine allectum atq; delinitum, nulla, nec adversa, fortuna fractum. Passus ipse Carolus est, nullum sibi, nullum Francis laboriosius bellum fuisse. Annis duravit tribus & triginta. Eginb. cit. l. Consentiit Poëta anonymus de rebus gestis Car. M. Adamus Bremensis H. E. l. 1. cap. XII. & l. 1. cap. VII. Quāquam in codice Ranzoviano XXX. anni numero conciso; & quem vocant, rotundo expressi sunt. Ac illum sequitur Bangert, not. in Helmold. l. 1. cap. III. Conf. Meibom, in Wittich. p. 44. P. Bervius rer. 2. Com. Germ. p. 239. & 303. numerat annos XXXV. Minus rectè, cujusmodi est, quod Rolandum Caroli sororis filium nulla nixus fide ibidem prodit. Wittekindus non amplius triginta annis interfuit. Hinc Monachus Corbej. Wittekindus, inquit, bellum potens gessit contra Magnum Carolum per triginta fermè annos. Septendecim expeditiones in Saxoniam susceptas memorat Spangenberg. A. 772. usq; ad ann. 785. Septima & decima Wittekindi ad vera fidei cultum adducti exemplum habet. Nec idem tamen genti, qui Wittekindo, animus fuit. Illa enim exacto septennio ad arma & pristinam superstitionem rediit. Wittekindus constans permansit. Eumius A. 758. 790.*

14. Defesso bellis Carolo, pacem habuit Wittekindus. Missi vicissim legati & admissi. Carolus impune veniendi fidem dedit, ac datam obfidibus sanctè confirmavit. Internunciis Amalwinus

winus (dd) idemque sopiti dissidii, & reconciliatæ jam gratiæ testis. Accipitur comiter, & tractatur prolixè. Sancitur inter utrosq; æterna pax, & mutua fide firmatur. (ee) Populo quies ad recreandum ex continuo bello animum concessa. Ab eo tempore perseveravit in amicitia Karolus, in pace Wittekindus, Princeps re & nomine Magnus, & latè propagatis familiis clarus, (ff) & Ducis contentus dignitate. Posteris regnis, imperiis inaugurati, utiles terrarum orbi Principes. Quid utiles? Necessarii planè, & sustinendæ rerum molli pares extiterunt.

(dd) Aliis scribitur Aluvinus. Scriptor Vita Karol. M. Amaluvonem, Abbas Stadenfis quendam Aulicorum vocat, A. 758. Abbatem, ut solet, sequitur Krantzius in Sax. l. 2. Vix enim fuit honoratus, nec inter procures Karoli postremus. Autor Annal. Fr. refert, ad fidem Karoli venisse, id est, ut medii ævi indoles erat, fide publica à Carolo data. Regina affirmat, Wittekindum & Albionem sacramento firmatos, id est, promissi religionem certos redditos, se dedisse in viam, & perrexisse ad Karolum. Unâ obsides acceptos testatur Chron. l. 2. ad A. 785. Demum Karolum in pago Attiniaco (aliis Altimiaci) convenerunt. Præter veteres vid. Ubb. Emmius rer. Fris. d. 785. & Apolog. p. 35. Turbat nonnihil & mutat Krantzius Sax. l. 2. cap. 23. A. eod. In eo quoad meminerim, omnes consentiunt, Wittekindum A. C. 785. Christi sacris initiatum. Hoc mihi indicium, Wittekindi reconciliationem, & sacrum adeo ejus lavacrum quindecim annis antecessisse Imperii Karolini dignitatem. Disceptant hic acriter, quæ Hæ-

*Heroem tinxerit sacro fonte. Ludgerus, an Bonifacius, an Herimbertus? Patris lustrici officium à Karolo M. impletum. Hinc Crantziius in Saxo, Rex, inquit, susceptos in gratiam iussit baptizari; ipse suis manibus Wedekindum, honoris gratia sustol-
 leus. Revocato ex tenebris pro nigro album insigne additum à Karolo ajunt. Caterum tot laboribus perfuncto, tandem explenda mortalitas fuit. Sepulcrum, cui exuviae illatae sunt, Engera postum memorat Henricus Buntingus, & cum hoc mul-
 ti. Alij Padeborna tumulo conditum tradunt, ut Job. Tobias Wellerus.*

(ee) *Alius Wittekindi, ac multitudinis sensus. Ille civitati Francorum ascriptus, dignitate atq; affinitate Francica amplissime auctus. Edreferri possunt Francici annales; Scrip-
 tor vita Karoli M. Monachus Prumiensis, Monachus Benedic-
 tinus, Aimoinus, Sigebertus Gemblacensis, Abb. Staden-
 sis. Cum Wittekindo fuerunt potissimi Saxonica Nobilitatis, inter
 hos Albion, primarius post Wittekindum, & Dux Trans Albi-
 anus, tum domestici ac gentiles ejus ferme omnes. Hac (mul-
 tudo) postero tempore exiit fidem, armis ad vindicandam
 superstitionem resumptis. His rebus tandem acerba victoris
 severitas provocata est. Ubi notem in extremo, Karolum plu-
 rimos in Saxonia Episcopatus condidisse. Laudo pietatis opus,
 Prudentiam agnosco. Causa destinationis occulta animi certe
 hic sensus erat, Religione magis Saxonum animos regi, quàm
 armis. Vetius hoc regnandi instrumentum, & piissimis saepe
 principibus usitatum. Exilium quoq; pulchro Coloniarum no-
 mine velatum. Augenda Reipublica prae-textus, revera oppri-
 mendarum virium consilium fuit. Saxones in Galliam, Gall
 in Saxoniam traducti. Crantziius Sax. l. 2. cap. 22. Quod
 intelligo potissimum de Gallia Belgica Germania Regno innexa.
 Hinc Beatus Rhenanus in Germaniam secundam traductos af-
 ferit, l. 1. rer. Germ. p. 141.*

(ff) *Comites Oldenburgici ex stirpe Witekindi. Hodierni Dania Reges ex stirpe Oldenburgica descendunt. vid. Krantzius, Reineccius, Job. Velde, Winckelmannus, in recensenda prosapia hac curiosi. Qui commentarios familiarum ediderunt, gnaviter nervos intendunt, ut confirment Witekindum M. non solum Germania, sed etiam Gallia Italiq; amplissimas ab se editas familias dedisse. Hic memoro 1. Saxo-nico-Wigbrechticam. 2. Saxonico-Wethinensem seu Diegre-micam. De quibus nolim quenquam temere dubitare. 3. Cap-etinam, qua magnis in Gallia propagata auctibus est. Sed hoc precipue in dubium vocant doctiores: exponuntq; insuper civilem rationem, propter quam ea opinio invaluerit. Wilbel-mus Nangius Monachus ex edit. Pithecan. nugae, credo, agit, dum Capetingos arcescit à Karolingis. Sed multa sunt, quae aliàs in fide illius monachi desideramus. Franciscus Hottomannus in Francog. p. 240. approbare satagit Hugonem Capetum Otto-nis I. Imp. ex Havide sorore nepotem esse. Henricus Buntingus in Chron. Brunsvic. p. 26. tradit, Hugonem magnum, unde Gal-lia regibus origo est, descendere ex Witekindo. Addatur Chy-traus p. 48. & cum hoc multi. 4. Montis ferratensem, quae in I-talia creavit. 5. Allobrogicam, quae Sabaudiam decoravit. Huc di-gitum intendit auctor Candis, ut vocat, angustata p. 81. dum Sa-baudum vocat Saxo-nico Heroum sanguine satum. At recedit ab opinione hac, & unà recedit à Lampadio suo Hermannus Con-ringius in notis ad eum p. 184. 6. Ringelbeimicam. Haud pra-terierim hoc loco, Marchiones Brandenburgicos, ex altera, quae Marchia post Slavos praesuit, familia ortos, descendere ex posteritate Witekindi. Quod à Georgio Sabino memoria tra-ditum pereleganter est. Conf. in vita ejus Petrus Albinus. Simul observo, Witekindi deos surrexisse, inclinantibus jam fatis res Francorum. Causa in Francis, quorum in Franciam reditus non parùm obfuit majoribus incrementis. In Ludovico IV. Arnolphi fatalis potentia terminus fuit.*

SIGHAR-

SIGHARDUS.

Dieterichus

Edelhardus,

WERNEKINUS.

Abion, Wichbertus, Hermannus, Bruno, Hasala, WITTEKINDUS M.

Wichbertus.

Wittekindus II.

Walbertus, Bruno, Fridericus, Wittekindus III. DITGREMUS,
qui caruit pro.
le mascula.

Ditmarus.

Ludolfus.

Bruno, ab hoc Tanquardus. Otto.
Brunonis vicus.

Dieterichus.

Henricus Auceps. Rex

Dedo Fridericus.

Otto M.
Imperator

Henricus I.

Dieterichus II.

Henricus II.

Otto II.

Dedo. Timo, Marchio Misnia.

Otto III.

Henricus III.

Dedo Conradus.

Imperator.

Otto Dives. Dieterichus III. Dedo.

Henricus Illustris.

Albertus. Dieterichus IV.

Albertus. Dieterichus V.

Fridericus.

Fridericus Gravis.

Fridericus Strenuus, Wilhelmus I. Balthasar. Ludovicus Episcopus

FRIDERICUS Bellicosus, à

Sigismundo Imp. Septemvir creatus, Fridericus Pacificus.

& postliminio reversus ad jus Saxonici Palatinatus. De Friderici matrimonio, & quod ejus nomine ipsi obvenit, vid. Welfgangus Moller. in Orat. de vit. Bertold. princip. Henneb. in reliquis conf. P. Bertius in comment. rer. Ger. l. 2. cap. 11.

FRIDERICUS II. Clemens Elector. Continuationem alius locus, aliud institutum poscit.

I. Observo, certissimum Historiæ Genealogicæ, quatenus continuam eamq; indubitatam seriem habentis characterem hic sumi à Wittekindo M.

II. Nota in hac genealogia sententiarum conflictus, quos recitavimus §. 6. (h) Alii enim Ottones Augustos à Brunone, fratre Wittekindi, alii à Nepote hujus nominis accersunt. Alii contra de Brunone Nepote tacent. Multi prorsus negant, Ottones à Wittekindo M. arcessendos. Quod si negant, etiam à Brunone, tanquam Wittekindi nepote, arcessendos negabunt. Sed negantibus his derogamus fidem, denegamus assensum.

III. Lis vertit nihilo minor, utrum Ludolfus Walberti filius, an ex fratre Brunone, quem allegavimus, nepos fuerit? Nobis postgius aridet. Sic reddidimus familiam, familiæ seriem, prout ex animo visum. Qui alii sentiant, supra dictum.

1. Haud supervacuum duxi, illud, quod cœpi argumentum, accessionibus quibusdam consummare, & quod sive utilitas, sive voluptas svadet, unam alteramve ex cognato historiæ genere controversiam expedire.

2. Incepto convenit, uti videamus de officio Augustali, quod Marescallatus, & styli Romani æmulatione in alia, atq; adeo Romano Germanica republica, Præfecti prætorio munus vocant. Cujus initia quàm altè quidam repetant, non sum nescius: ago, cui pauca dicenda sunt in hoc transcurso, sentio, non proferri ultra XII. seculū posse.

Arceſ-

Arcessoq; illud ab auspiciis Friderici Ænobarbi, & quamquam concedo facile, multò ante in Teutonicorum imperatorum aulis & viguisse hoc, & obitum fuisse sacri imperii munus; tamen nego pernegoq; prius habuisse hæreditariam legem, quàm rerum potiretur Fridericus I. Autor est Witichindus, compositis Saxonie annalibus clarus, Ottoni I. quatuor Duces fecisse officium ritus Augustalis. Episcopus Merseburgensis fide perinde ac iudicio sincerus, memorie tradit, Ottone III. celebrante anniversarium resuscitati Christi sacrum, splendidissimo ministerio quatuor Principes esse functos. Recenset Saxonie Ducem, & suo exprimit nomine, affirmans, præfuisse equis, hoc est, munus Archimarescalli implevisse; sed pro illo tempore non tam perpetuo jure, quàm jussu singulari Imperatoris, &, ut tunc æstimabant, argumento peculiaris beneficii ac favoris. Demùm Ænobarbi ævo prosapia additum hoc decus, & iusto ordine transmissum est ad successores. Ut nunc expeditum sit intelligere, quid fuerit, quòd ab hoc primùm tempore certæ alicujus familie principes AB OFFICIIS Augustalibus memorentur. Scriptores ævi mediū OFFICIALES signant.

3. Et id, opinor, iterum documento est, fuisse usum ensis Mareschallici ante partam septemviri Augustalis dignitatem. Cum pro vero accipiant historie nostre periti omnes, seculo primùm XIII. salu-

taribus Germaniæ initiis cœpisse definiri numero Principes , qui & nominarent & eligerent suis suffragiis imperatorem.

4. Neq; eo feciùs de Rutæ insigni observare integrum est, sumsisse à principio Alcanios , & ab his transisse ad Wittikindeos , veteres illarum terrarum, respectu quarum imperatoris Friderici auspicio concessum est, hæredes.

5. Ex quo apparet denuò , Rutæ sertum usurpasse Saxonix Duces nondum honore Septemvirum auctos. Vulgò Albertum , nos Bernhardum Alberti Ursi filium, primò hujus gentilitii insignis laude imperitum sec. XII. nominamus. Hinc Abbas Stadenfis: Bernhardus, inquit , Comes de Anhold suscepit Ducatum Saxonix, A. 1180. Atqui eundem inaugurationis diplomata gestandi rutæ insignis beneficio affectum confirmant. Assentiuntur Albertus Crantzius Sax. l. IX cap. 19. Georgius Fabricius de Elector. Sax. in Bernard. II. cum his Spalatinus, & novissimè Spenerus in Syllog. p. 249. Sed discedunt pleriq; à nobis, & primordia gestati insignis repetunt ab Ottone Henrici Leonis nepote, alij à prioribus retrò ducibus: utriq; præter verum.

6. Etiam reperiuntur hic, qui peraudacter scribant de Saxonix Palatinatu, & quum non habeant, quos sequantur sententiæ suæ auctores, sequi tamen se fiant. Nec dubitant, neq; in hac parte obnitimur,
ori-

origines ejus referre ad Carolingos. Namq; isthōc munere & decori imperij, & necessitati serviebatur: nec obscura est nobis ratio, nec fugit rerum Teutonicarum gnaros, cujus summa eò valet, quòd, quum Saxones in Francorum civitatem adscripti, servassent usum Saxonici juris, nec Franci à Francico recessissent, duos adscisci oportuerit Palatinos, alterum in orientali Francia, alterum in Saxonia juri dicundo præfuturum. Sed, si quando jure heræditatis tradi cœperit, quæras, appellabo sec. XII. & unà appellabo Fri lerici I. largitionem.*

** Sec. XII. Septemviratus Saxonicus aeterno jure Saxonia Palatinatui innexus, usu atq; consuetudine valuit, sec. XIV. firmatus est publica imperij lege.*

7. Burggraviatus, qui dicitur, Magdeburgicus ab Ottonis Lævo ad nostram usq; memoriam hoc nomen atq; dignitatem habuit. Prima ejus monumenta servat Cœnobium Gerundense: ad hæreditatis leges multò seriùs redactum accepimus. Quippe seculo tertio decimo adulto à dynastis Schrapelanis delatq; est ad Saxonix Electores, duraturo ad omnes posteros jure. Transactiones super eo nostro & superiori seculo initas rejicimus in aliud tempus.

8. Desinam in Wittkindi, unde hoc opus crevit, posteris, (a) qui omnium primi Saxoniam nostram urbibus excoluerunt, & repertis auri argentiq; fodinis aureum Saxonix seculum reddiderunt. (b)

(a) *Hos necit pulchrè monumentum Misense in templo S. A. fraz sacro.*

(b) *Dis.*

(b) *Ditmarus Merseb. Otto Frising l.6, cap. 24. Sigebertus A. 968. & ex eo aut. M. Ch. Belg. p. 79. Initia repetimus ab Ostone I. Errat hic Fabricius, qui ab Henrico Aucupe.*

9. Excitamus lIX. & IX. seculum, arces & castella fortè pro captu seculi ædificata reperiemus, urbium à nostris conditarum nec vestigia animadvertemus.

(c) Eresburgum & Sigeburgum propugnaculorum fortè speciem, non iustam urbium formam habuerunt. De Vuitberg, cùjus Ado (d) meminit, satis est, indicasse, multum ab Urbium, quas sive murus, sive vallum munit, mensura abfuisse. Ut non mediocriter impingant, qui Witebergam à Witekindo M. extructam asserunt. Nam de Witbergo Adonis dici non potest à Witekindo excitatum, quia fuit ante Witekindum. Si nihilominus dicere pertendant, ædificasse Witekindum, interpretabimur licentiam fingendi, qua historici in historicis minimè omnium ferunt. Nos de cætero habeamus, monuisse, id muneris peregrisse Wittekindi posteros, præsertim Henricum Aucupem, (e) & ipsius filios nepotesq; Augustos, quos signat monumentum Misenense, & Tabulæ, quas à seculo X. asservant nostri, sanctiores.

(c) *A. Fr. passim.* (d) *Ac. 727.*

(e) *Witekindus secul. X. Eresburg. & Werlaon. in Urbibus numerat, Annal. l. p. 8. & 10. Abb. Stadenf. A. 971. Magdeburgum commemorat metropolin inter Albianas Hamburgum enim sec. IX. A. 810. Castellum, 833. civitas (non Urbs) trans albina memoratur. De Veferanis alibi dicitur.*

❧ (o) ❧

